

**Ukiup affakkaartumik akiliutaasartussat naatsorsorneqartarnerilu pillugit
Namminersornerullutik Oqartussat nalunaarutaat nr. 11, 22. marts 1994-imeersoq**

Inissialiormut tapersiissuteqartarnek pillugu Inatsisartut peqqussutaani nr. 1-imi 9. april 1992-imeersumi § 12, imm. 5, § 29, imm. 2, amma § 32, imm. 3, naapertorlugit aalajangersarneqarpoq.

§ 1. Inissialiormut tapersiissuteqartarnek pillugu Inatsisartut peqqussutaani kapitalit 4, 6 imaluunniit 7 malillugit taarsigassarsiaritinneqarsimasut ukiup affakkaarlugit taarsersorneqassapput akiligassanngortassallutillu 1. maj aamma 1. november.

Imm. 2. Illup inarneqarneraniit imaluunniit inerneqanngikkaluartorluunniit iserterfigineqarneraniit akilersuinissaq aallartinneqartassaaq. Illup sananeqarluni inerneraniit imaluunniit iserternermiit akiliiffissanngortussap siulluip tungaanut taamaallaat erniat akilerneqartassapput.

Imm. 3. Sanaartukkanut naatsorsuutit naammassineqarnissaasa tungaanut taarsersuutissat naatsorsorneqartassapput taarsigassarsiasatut neriorsuutit tunngavigalugit.

§ 2. Illup kommuunimiiffigisaani akiliutissaq nassiunnera akeqanngitsumik kommuunimut akilerneqartassaaq, imaluunniit akiliutissaq akilerneqartassalluni taarsigassarsisitsisup akiliisarfissatut toqqarsimasaanut.

Imm. 2. Akiliinerit tamarmik piffissamik eqquilluni akiliinerussapput kingusinnerpaamik akiliiffissanngortussap ullua qaammammik ataatsimik kingoqqullugu akilerneqarunik. Akiliiffissanngortussaq imaluunniit piffissaq eqqorlugi akiliiffissaq nalliuttuuppat arfininngornerulluniluunniit akiliinissaq ulluinnarmut tulluuttumut kinguartinneqartassaaq.

§ 3. Piffissaq eqqorlugi akiliisoqanngippat akiliinissaq piserlugi ukiup affaanut akiliutissaq 2,5%-imik pillaatitut ernialerneqartassaaq taarsigassarsisup akiligassaanik.

§ 4. Nalunaarut atulissaaq ulloq 1. april 1994.

Namminersornerullutik Oqartussat, ulloq 22. marts 1994.

Emil Abelsen

/

Peter Beck